

⑨ 道路開通記念 宮内八幡神社入口そば



道路開通記念

安藝国佐伯郡宮内村廣袤六里戸数五百人口式千四百其土鹵砂肥饒其俗知方好義蓋距廣島梟治西方凡四里達于石州津和楚之要衝而興防州山代本郷路相通地方物産之出輸咸由此通路以是人馬往來每加頻數而路極險隘行路太苦明治十五年村人相議略加修築稍得適車馬費用不支而中止以其切不全屢毀傷人畜有志者謂運輸不便則產業不興殖產之本在道路開通一人倡之衆僉和之廿一年九月請于官以脩道之事官使技師測地理自砂原至三和村界中間經折出領及佛坂而迂回于明石鑿壩見坂之險迂徐曲折斫險爲夷填濕闢窄以便於車馬運輸以廿三年十二月起工翌年七月告功竣其總費金九千七百七拾八圓餘其三分二乃県稅支出之其他於村內及郡中各町村釀出之其開鑿里數二里十四町廿四間此諸舊道延長凡廿六町其新要地者七町二畝二步毀家屋者八戸也於是乎畏途相夷無後危險災害之患行旅運搬共蒙幸福者其幾許乎可謂事業一時而功名千古矣頃者村人相共謂立石錄姓名以不托之屬余作文以記之余嘉昭代之美舉叙其鑿鑿其銘曰

變難成易 因民之義 公道如砥 就地之利  
乃幸之慶 險夷異地 厥力厥德 豈可不記

明治廿七年九月之吉日

平安 東海道人棉引拳撰文  
小田甚作書之

☆明治23年12月起工 翌年7月功竣 其總費9778円余 3分の2は県稅支出とあり

